

საქართველოს თავდაცვის სამინისტრო



**CPV48600000 - მონაცემთა ბაზისა და ოპერაციული პროგრამული პაკეტების
შესყიდვის ელექტრონული ტენდერის სატენდერო დოკუმენტაცია**

(წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერი ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის საფუძველზე)

თბილისი

2016 წელი

1. საკვალიფიკაციო მოთხოვნები

„გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების პირველი მუხლის მე-4 პუნქტის თანახმად საკვალიფიკაციო მონაცემების დამადასტურებელი დოკუმენტების წარმოდგენა არ მოითხოვება (კონკრეტული შესყიდვის თავისებურება - შესყიდვის სავარაუდო ღირებულება).

2. ტექნიკური პირობები

2.1 შესყიდვის ობიექტი: გეოინფორმაციული სისტემების სამაგიდო და სერვერული პროგრამული უზრუნველყოფა;

2.2. ტექნიკური დავალება

2.2.1 გეოინფორმაციული სისტემების სამაგიდო და სერვერული პროგრამული უზრუნველყოფის ტექნიკური მოთხოვნები

ლიცენზირება:

გეოინფორმაციული სისტემების სამაგიდო და სერვერულ პროგრამულ უზრუნველყოფას უნდა გააჩნდეს გასაღების სალიცენზიო ფაილი.

გასაღების სალიცენზიო ფაილის რაოდენობა - სამაგიდო პროგრამული უზრუნველყოფა - 5 ცალი;

სერვერული პროგრამული უზრუნველყოფის გაფართოება - 1 ცალი;

მიმწოდებელი ვალდებულია შესყიდვის ობიექტის ინსტალაცია უზრუნველყოს საკუთარი ხარჯებით.

2.2.1.1 სამაგიდო პროგრამული უზრუნველყოფა უნდა აკმაყოფილებდეს შემდეგ ტექნიკურ პარამეტრებს ლიცენზიის შესაბამის დონეზე (გასაღების სალიცენზიო ფაილის რაოდენობა - 1):

2.2.1.1.1 პროგრამული უზრუნველყოფა უნდა იყოს ქსელური ლიცენზიის ტიპის (ლიცენზია დაინსტალირებული უნდა იყოს ცალკე მდგომ კომპიუტერზე და სამაგიდო პროგრამული უზრუნველყოფა ლიცენზიას უნდა იღებდეს ცალკე მდგომი კომპიუტერიდან შიდა ან გარე ქსელის მეშვეობით);

2.2.1.1.2 პროგრამული უზრუნველყოფა უნდა მუშაობდეს სივრცით მონაცემებთან;

2.2.1.1.3 პროგრამულ უზრუნველყოფას უნდა გააჩნდეს სივრცითი მონაცემთა ბაზების შექმნის, შენახვის და მართვის ფუნქცია;

2.2.1.1.4 პროგრამულ უზრუნველყოფას უნდა გააჩნდეს სივრცითი ანალიზის ფუნქცია;

2.2.1.1.5 პროგრამულ უზრუნველყოფას უნდა გააჩნდეს სივრცითი მონაცემების ვიზუალიზაციის ფუნქცია;

2.2.1.1.6 პროგრამულ უზრუნველყოფას უნდა გააჩნდეს მონაცემთა ბაზებიდან და/ან ონლაინ რესურსებიდან რუკის შედგენის ფუნქცია;

2.2.1.1.7 პროგრამულ უზრუნველყოფას უნდა გააჩნდეს გეომონაცემთა ბაზაში მონაცემების რედაქტირების საშუალება;

2.2.1.1.8 პროგრამულ უზრუნველყოფას უნდა გააჩნდეს სხვადასხვა ტიპის გაფართოებების დამატების საშუალება;

2.2.1.1.9 პროგრამულ უზრუნველყოფას უნდა გააჩნდეს სერვერულ პროგრამულ

უზრუნველყოფასთან მუშაობის და მისი მართვის საშუალება;

2.2.1.1.10 პროგრამულ უზრუნველყოფას უნდა გააჩნდეს სერვერულ გეომონაცემთა ბაზაში რამოდენიმე მომხმარებლის მიერ ერთდროული რედაქტირების საშუალება;

2.2.1.1.11 პროგრამულ უზრუნველყოფას უნდა გააჩნდეს სერვერულ გეომონაცემთა ბაზაში ისტორიული მარკერების შექმნის შესაძლებლობა;

2.2.1.1.12 პროგრამულ უზრუნველყოფას უნდა გააჩნდეს ლიცენზიის ვერსიული განახლების შესაძლებლობა.

2.2.1.2 სამაგიდო პროგრამული უზრუნველყოფა უნდა აკმაყოფილებდეს შემდეგ ტექნიკურ პარამეტრებს ლიცენზიის შესაბამის დონეზე (გასაღების სალიცენზიო ფაილის რაოდენობა - 4):

2.2.1.2.1 პროგრამული უზრუნველყოფა უნდა მუშაობდეს სივრცით მონაცემებთან;

2.2.1.2.2 პროგრამულ უზრუნველყოფას უნდა გააჩნდეს სივრცითი მონაცემთა ბაზების შექმნის, შენახვის და მართვის ფუნქცია;

2.2.1.2.3 პროგრამულ უზრუნველყოფას უნდა გააჩნდეს სივრცითი ანალიზის ფუნქცია;

2.2.1.2.4 პროგრამულ უზრუნველყოფას უნდა გააჩნდეს სივრცითი მონაცემების ვიზუალიზაციის ფუნქცია;

2.2.1.2.5 პროგრამულ უზრუნველყოფას უნდა გააჩნდეს მონაცემთა ბაზებიდან ან/და ონლაინ რესურსებიდან რუკის შედგენის ფუნქცია;

2.2.1.2.6 პროგრამულ უზრუნველყოფას უნდა გააჩნდეს გეომონაცემთა ბაზაში მონაცემების რედაქტირების საშუალება;

2.2.1.2.7 პროგრამულ უზრუნველყოფას უნდა გააჩნდეს სხვადასხვა ტიპის გაფართოებების დამატების საშუალება;

2.2.1.2.8 პროგრამულ უზრუნველყოფას უნდა გააჩნდეს სერვერულ პროგრამულ უზრუნველყოფასთან მუშაობის და მისი მართვის საშუალება;

2.2.1.2.9 პროგრამულ უზრუნველყოფას უნდა გააჩნდეს ლიცენზიის ვერსიული განახლების შესაძლებლობა.

2.2.1.3 სერვერული პროგრამული უზრუნველყოფა უზრუნველყოფა უნდა აკმაყოფილებდეს შემდეგ ტექნიკურ პარამეტრებს ლიცენზიის შესაბამის დონეზე (გასაღების სალიცენზიო ფაილის რაოდენობა - 1):

2.2.1.3.1 სერვერულ პროგრამულ უზრუნველყოფას უნდა გააჩნდეს სივრცითი მონაცემთა ბაზების შექმნის, შენახვის და მართვის ფუნქცია;

2.2.1.3.2 სერვერული პროგრამული უზრუნველყოფა უნდა მუშაობდეს როგორც ლოკალურად, ასევე გლობალურად და ხდებოდეს მონაცემების გაცვლა-გამოცვლა;

2.2.1.3.3 პროგრამული უზრუნველყოფით შესაძლებელი უნდა იყოს ვებ-რუკების დამზადება;

2.2.1.3.4 სერვერული პროგრამული უზრუნველყოფის ინტერფეისი უნდა იყოს ინგლისურ ენაზე;

2.2.1.3.5 სერვერულ პროგრამულ უზრუნველყოფას უნდა გააჩნდეს გასაღების სალიცენზიო ფაილი;

2.2.1.3.6 სერვერულ პროგრამულ უზრუნველყოფას უნდა გააჩნდეს ლიცენზიის ვერსიული განახლების შესაძლებლობა;

2.2.1.3.7 სერვერული პროგრამული უზრუნველყოფა უნდა აკმაყოფილებდეს შემდეგ მოთხოვნებს:

- თავსებადი უნდა იყოს ვინდოუს-ის ოპერაციულ სისტემასთან;
- თავსებადი უნდა იყოს მონაცემთა ბაზებთან: IBM DB2, Informix Dynamic Server, Microsoft SQL Server, Oracle, PostgreSQL
- სერვერულ პროგრამულ უზრუნველყოფას არ უნდა გააჩნდეს ლიმიტი მომხმარებლების რაოდენობასა და ინფორმაციის მოცულობის რაოდენობაზე;

2.2.1.3.8 გის ვებ-სერვისები უნდა აკმაყოფილებდეს REST, SOAP და OGC სტანდარტებს.

2.2.1.3.9 სერვერულ პროგრამულ უზრუნველყოფას უნდა გააჩნდეს შემდეგი ფუნქციონალობა:

2.2.1.3.9.1 გეომონაცემთა ბაზების მართვა;

2.2.1.3.9.2 გეომონაცემთა ბაზების რეპლიკაცია;

2.2.1.3.9.3 ვებ-კარტირების აპლიკაციები;

2.2.1.3.9.4 ვებ-რედაქტირება;

2.2.1.3.9.5 გის ვებ-სერვისები:

2.2.1.3.9.5.1 ვებ და სმარტფონებში რედაქტირება;

2.2.1.3.9.5.2 ვებ-გეოკოდირება;

2.2.1.3.9.5.3 გეომეტრიული კალკულაცია;

2.2.1.3.9.5.4 მონაცემების ვებ-მოდელირება და ანალიზი;

2.2.1.3.9.5.5 3-განზომილებიანი გამოსახვა;

2.2.1.3.9.5.6 რასტრული მონაცემების დამოუკიდებლად შექმნის შესაძლებლობა როგორც ლოკალური და გლობალური ქსელისთვის, ასევე ვებ-გარემოსთვის;

2.2.1.3.9.5.7 WCS, WFS, WMS, WFS-T, KML სერვისები;

2.2.2 სერვერული პროგრამული უზრუნველყოფა უნდა განთავსდეს შემსყიდველის ოფისში არსებულ ცალკე მდგომ კომპიუტერზე (სერვერზე) და ყველა ზემოთ ჩამოთვლილი ფუნქციონალობა მოქცეული უნდა იყოს ერთიან პროგრამულ გარემოში.

2.2.3 ახალი ვერსიის გამოსვლის შემთხვევაში მიმწოდებელმა უსასყიდლოდ უნდა უზრუნველყოს პროგრამული უზრუნველყოფის ახალი ვერსიის მიწოდება, პროგრამული უზრუნველყოფის შეძენაზე მიღება-ჩაბარების აქტის გაფორმებიდან ერთი წლის განმავლობაში.

2.2.4 შემოთავაზებული საქონელი უნდა იყოს მსოფლიო ბრენდის, რომელიც მსოფლიო ბაზარზე არანაკლებ 20 წელი იყიდება.

2.2.5 მიმწოდებელ ორგანიზაციას უნდა გააჩნდეს გეოინფორმაციული სისტემების პროგრამული უზრუნველყოფის მწარმოებელი კომპანიის მიერ გაცემული ავტორიზაცია.

2.3 მიწოდების პირობები და ვადები:

2.3.1 მიწოდების ვადა: ხელშეკრულების გაფორმებიდან 30 კალენდარული დღის ვადაში;

2.3.1 მიწოდების ადგილი: თბილისი, შემსყიდველის მოთხოვნის შესაბამისად;

2.4. ანგარიშსწორების პირობები:

2.4.1 შემსყიდველი იღებს ვალდებულებას, გადაუხადოს მიმწოდებელს ფაქტიურად გაწეული მომსახურების ღირებულება ამ მომსახურებაზე გაფორმებული მიღება-ჩაბარების აქტის ხელმოწერიდან 20 სამუშაო დღის ვადაში, ამ ხელშეკრულებით გათვალისწინებული დოკუმენტაციის საფუძველზე.

2.4.2 სატენდერო დოკუმენტაციით განსაზღვრული მომსახურების მოცულობა არის სავარაუდო, შესაბამისად, მიმწოდებელს არა აქვს უფლება მოითხოვოს შემსყიდველისგან მომსახურების სრული რაოდენობის მიღება და ანაზღაურება.

2.4.2 ანგარიშსწორების ვალუტა: ლარი.

2.4.3 ანგარიშსწორების ფორმა: უნაღდო.

2.4.4 შემსყიდველი უფლებამოსილია განახორციელოს წინასწარი ანგარიშსწორება (ავანსი) არაუმეტეს ხელშეკრულების ჯამური ღირებულების 50 პროცენტისა, „სახელმწიფო შესყიდვების შესახებ“ საქართველოს კანონით განსაზღვრული პირობების შესაბამისად;

2.4.5 საბანკო გარანტიის საფუძველზე განსახორციელებელი წინასწარი ანგარიშსწორებისას, წარმოდგენილი უნდა იყოს საბანკო დაწესებულების მიერ გაცემული საბანკო გარანტია, რომელიც უნდა შეესაბამებოდეს შემსყიდველის მოთხოვნებს და მისი მოქმედების ვადა არანაკლებ 30 დღით უნდა აღემატებოდეს ხელშეკრულების მოქმედების ვადას.

2.4.6 თუ გარანტიით უზრუნველყოფილი ვალდებულება გარანტიის ვადის ამოწურვამდე შესრულდა, გარანტიის (მათ შორის შესრულებული ვალდებულების ნაწილში) მოქმედების ვადა შესაძლებელია ვადამდე შეწყდეს ან შემცირდეს, შემსყიდველის მიერ მიმწოდებლის ვალდებულების შესრულების დადასტურების შემთხვევაში.

2.5. სატენდერო წინადადების ფასი:

2.5.1 სატენდერო წინადადებაში საერთო და ერთეულის ფასი გამოსახული უნდა იყოს დღგ-ს ჩათვლით ლარში, საქართველოს კანონმდებლობით გათვალისწინებული და მომსახურების გაწევასთან დაკავშირებული ყველა ხარჯის და გადასახადის გათვალისწინებით.

2.6. პრეტენდენტის მიერ შემოთავაზებული ფასი და ხელშეკრულების შესრულების უზრუნველყოფის გარანტია:

2.6.1 ხელშეკრულების შესრულების უზრუნველყოფის გარანტიის წარმოდგენა არ მოითხოვება;

2.6.2 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც შემსყიდველის მიერ განესაზღვრება არაუმეტეს 3 (სამი) სამუშაო დღე. ფასწარმოქმნის ადეკვატურობის დასაბუთება უნდა მოხდეს პრეტენდენტის მიერ გაფორმებული ხელშეკრულებით ან/და ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ამასთან, ფასწარმოქმნის ადეკვატურობის დასაბუთების წარუდგენლობა გამოიწვევს პრეტენდენტის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის მე-13 მუხლის მე-2 პუნქტის „ა“ ქვეპუნქტის საფუძველზე, გარდა იმ შემთხვევისა, როდესაც სახეზეა ამ წესის მე-13 მუხლის მე-2 პუნქტის „ზ“ ქვეპუნქტით გათვალისწინებული საფუძველი. პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

2.7. პრეტენდენტის გამოცდილება

2.7.1 პრეტენდენტს უნდა გააჩნდეს მიმდინარე და წინა ორი კალენდარული წლის განმავლობაში (კონკრეტულ წელს მნიშვნელობა არ ენიჭება) განმავლობაში ანალოგიური საქონლის მიწოდების გამოცდილება, ჯამური ღირებულებით არანაკლებ 197000,00 ლარი დ.დ.გ.-ჩათვლით.

2.8 სატენდერო წინადადების წარდგენით პრეტენდენტი ავტომატურად გამოხატავს თანხმობას ტექნიკური პირობებით განსაზღვრულ მოთხოვნებზე.

2.9. სატენდერო დოკუმენტაციასთან დაკავშირებული დამატებით ინფორმაცია და განმარტებები შეგიძლიათ მიიღოთ შემდეგი საკონტაქტო პირ(ებ)ისგან: ქ. თბილისი, საქართველოს თავდაცვის სამინისტრო, გენ. გ. კვინიტაძის ქ. N20. სატენდერო კომისიის აპარატი: თეა გოგუა (ელ. ფოსტა: tgogua@mod.gov.ge), ტელ: +995 322 91 03 54;

3. სატენდერო წინადადებასთან ერთად სისტემის მეშვეობით უნდა წარმოადგინოს შემდეგი ინფორმაცია/დოკუმენტები*:

3.1 რეკვიზიტები **დანართი N1-ის** შესაბამისად;

3.2 ფასების ცხრილი, ინფორმაცია შესყიდვის ობიექტის მწარმოებელი ქვეყნის, ფირმის და მოდელის შესახებ - დანართი N2-ს შესაბამისად;

3.3 ინფორმაცია მიმდინარე და წინა ორი კალენდარული წლის განმავლობაში (კონკრეტულ წელს მნიშვნელობა არ ენიჭება) მიწოდებული შესაბამისი საქონლის შესახებ, სატენდერო დოკუმენტაციის 2.7 პუნქტის შესაბამისად, წარმოდგენილ უნდა იქნას შემდეგი: (გამოცდილების დამდასტურებელი დოკუმენტ(ებ)ი (მიღება-ჩაბარების აქტ(ებ)ი ან/და მომსახურების საფასურის გადახდის დამდასტურებელი დოკუმენტ(ებ)ი ან/და სარეკომენდაციო წერილ(ებ)ი (მიწოდებული მომსახურების ღირებულების ასახვით) ან/და სახელმწიფო შესყიდვის ერთიანი ელექტრონული სისტემას მონაცემები, კერძოდ, SPA ან/და CMR ნომრები (ხელშეკრულების სტატუსი - შესრულებული ხელშეკრულება).

3.4 შესასყიდი ობიექტის დეტალური აღწერილობა სატენდერო დოკუმენტაციის ტექნიკური დავალების შესაბამისად;

3.5 ტექნიკური დავალების 2.2.4 და 2.2.5 პუნქტით განსაზღვრული მოთხოვნის დამდასტურებელი დოკუმენტი/ინფორმაცია;

3.6 პრეტენდენტმა უნდა წარმოადგინოს ვებ-ბმული მწარმოებლის ოფიციალური საიტიდან, საიდანაც დადასტურდება შესყიდვის ობიექტის შესაბამისობა სატენდერო დოკუმენტაციის 2.2.1.1 – 2.2.1.2 – 2.2.1.3 პუნქტებით განსაზღვრულ მოთხოვნებთან;

შენიშვნა: დოკუმენტების წარდგენა შესაძლებელია როგორც ქართულ, ისე უცხოურ ენებზე. დოკუმენტების უცხოურ ენაზე წარდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით (ნოტარიულად დამოწმებული) შესრულებული თარგმანები ქართულ ენაზე.

შენიშვნა: ვაჭრობის შედეგად ფასების დაზუსტების შემთხვევაში დაუშვებელია ერთეულის ღირებულების გაზრდა.

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი: პრეტენდენტის

ტელეფონის ნომერი: ელექტრონული მისამართი:

მომსახურე ბანკის დასახელება: ბანკის კოდი:

ანგარიშის ნომერი:

ხელმოწერა, ბეჭედი _____

დასახელება	რაოდენობა	ერთ. ფასი (ივსება მიმწოდებლის მიერ)	სულ ფასი (ივსება მიმწოდებლის მიერ)	მწარმოებელი ქვეყანა, ფირმა მოდელი (ივსება მიმწოდებლის მიერ)
სერვერული პროგრამული უზრუნველყოფის გაფართოება	1 ცალი			
სამაგიდო პროგრამული უზრუნველყოფა (სატენდერო დოკუმენტაციის 2.2.1.1. პუნქტის შესაბამისად)	1 ცალი			
სამაგიდო პროგრამული უზრუნველყოფა (სატენდერო დოკუმენტაციის 2.2.1.2. პუნქტის შესაბამისად)	4 ცალი			

4. სახელმწიფო შესყიდვის შესახებ ხელშეკრულების ფორმა და პირობები (პროექტი)

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად (სატენდერო დოკუმენტაციის ტექნიკური პირობებით განსაზღვრული მოთხოვნათა დაცვით)

ხელშეკრულება სახელმწიფო შესყიდვის შესახებ N -----

ქ. თბილისი

«___» _____ 201--- წ.

შემსყიდველი - საქართველოს თავდაცვის სამინისტრო, წარმოდგენილი ----- სახით. მისამართი:

0112, ქ. თბილისი, გენერალ გ. კვინიტაძის ქ. N20.

სკ. 204900483.

საბანკო რეკვიზიტები: ანგ. N200122900 სახელმწიფო ხაზინა, საქართველოს თავდაცვის სამინისტრო, კოდი TRESGE22

მიმწოდებელი - -----

მისამართი, ტელეფონი:

(იურიდიული და ფაქტობრივი ადგილსამყოფელის, საფოსტო, ელექტრონული მისამართები, ფაქსის ნომერი ოფიციალური შეტყობინებისთვის)

ხელმძღვანელი: საბანკო

რეკვიზიტები:

იმის გათვალისწინებით, რომ შემსყიდველმა ჩაატარა ტენდერი SPA -----

(შესყიდვის ობიექტის მოკლე აღწერა, კლასიფიკატორის კატეგორიის, ქვეკატეგორიის, კლასის, ჯგუფის ან დანაყოფის კოდი)

სახელმწიფო შესყიდვაზე, რომელშიც გამარჯვებულად მიჩნეული იქნა მიმწოდებლის სატენდერო წინადადება, მხარეები შევთანხმდით შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვების შესახებ“ (შემდგომ „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე სატენდერო დოკუმენტაციითა და მთელი დოკუმენტაციით, რომელზეც ხელშეკრულებაში არის მინიშნებები;

1.2 „დღე“, „კვირა“, „თვე“, ნიშნავს კალენდარულ დღეს, კვირას, თვეს.

1.3 სამუშაო დღე ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმე დღეების გარდა.

2. ხელშეკრულების საგანი

2.1. ხელშეკრულების საგანს წარმოადგენს საქართველოს თავდაცვის სამინისტროს 2016 წლის სახელმწიფო ბიუჯეტის დაფინანსების ფარგლებში (შესყიდვის ობიექტი დასახელება) – (შემდგომში - „საქონელი“) შესყიდვა.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს ----- ლარს და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან, ტრანსპორტირებასთან და შემსყიდველისათვის საკუთრებაში გადაცემასთან, მათ შორის, კანონმდებლობით დადგენილ ყველა გადასახადს, მოსაკრებელსა და სახდელს.

3.2. საქონლის ერთეულის ფასი და რაოდენობა განისაზღვრება ხელშეკრულების დანართ(ებ)ით.

4. ანგარიშსწორება

4.1. შემსყიდველი იღებს ვალდებულებას, გადაუხადოს მიმწოდებელს მიწოდებული საქონლის ღირებულება ამ საქონლის მიღება-ჩაბარების აქტის ხელმოწერიდან 20 სამუშაო დღის ვადაში, ამ ხელშეკრულებით გათვალისწინებული დოკუმენტაციის საფუძველზე.

4.2 ანგარიშსწორების ვალუტა: ლარი.

4.3 ანგარიშსწორების ფორმა: უნაღდო.

5 სტანდარტები

5.1. ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ დოკუმენტაციაში

მითითებულ სტანდარტებს.

6 საპატენტო უფლებები

6.1 საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

7. ხელშეკრულების შესრულების კონტროლი

7.1 ხელშეკრულების შესრულების კონტროლს განახორციელებს:

7.1.1. (კონტროლის განმახორციელებელი პირ(ებ)ი განისაზღვრება ხელშეკრულების გაფორმებისას).

7.1.2. სახელმწიფო შესყიდვების დეპარტამენტის უფროსის მიერ გამოყოფილი პირ(ებ)ი – 7.1.1 ქვეპუნქტით გათვალისწინებულ საკითხებზე.

7.2 კონტროლი განხორციელდება შემდეგი ფორმებით:

7.2.1 ხელშეკრულების პირობებთან მიწოდებული საქონლის ხარისხისა და რაოდენობის (მოცულობის) შესაბამისობის შემოწმება ვიზუალური (მათ შორის სპეციალისტის მიერ დათვალიერება), აზომვითი, ტექნიკური ან/და დოკუმენტური მეთოდით;

7.2.2 საქონლის მიწოდების შეთანხმებული ვადების და რაოდენობის (მოცულობის) დაცვის მონიტორინგი;

7.3 კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

7.4 კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი შემსყიდველის არჩევანის მიხედვით.

7.5 კონტროლის განხორციელებისას მიმწოდებელი ვალდებულია შეასრულოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” 22-ე მუხლით განსაზღვრული მოთხოვნები.

8. საქონლის მიწოდების პირობები

8.1 საქონლის მიწოდება უნდა განხორციელდეს ხელშეკრულების გაფორმებიდან ----- კალენდარული დღის განმავლობაში;

8.2. მიწოდების ადგილი: სატენდერო დოკუმენტაციის შეესაბამისად.

9. ხარისხი

9.1. საქონლის ტექნიკური მახასიათებლები და ხარისხი ერთდროულად უნდა შეესაბამებოდეს ამ ხელშეკრულებისა და შემსყიდველის მიერ განსაზღვრულ ტექნიკურ პირობებს, პარამეტრებს.

10. გარანტია

10.1. შესყიდვის ობიექტის საგარანტიო ვადა და პირობები განისაზღვრება სატენდერო დოკუმენტაციით და მიმწოდებლის მიერ შემოთავაზებული წინადადების შესაბამისად.

10.2. ამ ხელშეკრულებით განსაზღვრულ საგარანტიო ვადის განმავლობაში შემსყიდველის (წარმომადგენლები, მოწვეული ექსპერტი) მიერ წუნის გამოვლენის შემთხვევაში, მიმწოდებელი ვალდებულია, 7.1.1 პუნქტში მითითებული პირ(ებ)ის მოთხოვნიდან -----კალენდარული დღის ვადაში მოახდინოს წუნდებული ნივთის შეცვლა. თუ მიმწოდებელი აღნიშნულ ვადაში არ შეცვლის წუნდებულ ნივთს, იგი ვალდებულია დაუბრუნოს შემსყიდველს გადახდილი თანხა მოთხოვნიდან ----- კალენდარული დღის ვადაში.

10.3. მიმწოდებელი იღებს ვალდებულებას, საქონლის მიწოდებისთანავე (მიღება-ჩაბარების აქტის გაფორმება) გადასცეს შემსყიდველს წინამდებარე ხელშეკრულების პირობების (მათ შორის 10.1 და 10.2 პუნქტების) შესაბამისად განსაზღვრული საგარანტიო ვალდებულების განმსაზღვრელი დოკუმენტი (საგარანტიო ბარათი), რომლის მოქმედების ვადა და პირობები ინარჩუნებს ძალას, მიუხედავად ამ ხელშეკრულების მოქმედების ვადისა.

11. შესყიდვის ობიექტის მიღება-ჩაბარების წესი

11.1. მიმწოდებლის მიერ საქონლის გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების (შემსყიდველის მხრიდან 7.1.1. პუნქტში მითითებული პირ(ებ)ის) მიერ ხელმოწერილი მიღება-ჩაბარების აქტით.

11.2 მიღება-ჩაბარების აქტის გაფორმების შემთხვევაში, საქონლის მიწოდების თარიღად ჩაითვლება შემსყიდველისთვის საქონლის დროებით შენახვაზე გაფორმებული მიღება-ჩაბარების აქტის თარიღი.

11.3. საქონლის დროებით შენახვაზე გაფორმებული მიღება-ჩაბარების აქტი არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას.

11.4 შემსყიდველი უფლებამოსილია დროებით შენახვაზე მიღებული საქონლის ნიმუშ(ებ)ი, ხოლო პარტიებათ მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დადგენის მიზნით, საქონლის დროებით შენახვაზე მიღება-ჩაბარების აქტის გაფორმების შემდეგ გადააგზავნოს შესაბამის საექსპერტო დაწესებულებაში.

11.5. მიმწოდებელი უფლებამოსილია დროებით შენახვაზე შემსყიდველისათვის გადაცემული საქონლის

ნიმუშ(ებ)ი, ხოლო პარტიებით მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დაჩქარებული წესით დადგენის მიზნით, საქონლის დროებით შენახვაზე მიღება-ჩაბარების აქტის გაფორმებიდან 5 (ხუთი) სამუშაო დღის ვადაში წარადგინოს შემსყიდველთან შეთანხმებულ შესაბამის საექსპერტო დაწესებულებაში. ამ შემთხვევაში საქონლის ნიმუშ(ებ)ის ტრანსპორტირების და საექსპერტო კვლევის ხარჯებს იხდის მიმწოდებელი.

11.6 შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე და მათ ანაზღაურებაზე, თუ:

11.6.1 იგი უხარისხოა (მათ შორის ხელშეკრულებით გათვალისწინებული ხარისხის შეუსაბამო); ან/და

11.6.2 მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე მეტი ოდენობით (ნამეტის ფარგლებში); ან/და

11.6.3. მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე ნაკლები; ან/და

11.6.4. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და

11.6.5. ხარვეზების გამოსწორება შეუძლებელია; ან/და

11.6.6 კანონმდებლობით გათვალისწინებულ სხვა შემთხვევებში.

11.7. მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს, ხოლო, მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.

11.8. საქონლის (მისი ნაწილის) მიღების და/ან საბოლოო შემოწმების შედეგად გამოვლენილი ნაკლი აღმოფხვრას საკუთარი ხარჯებით უზრუნველყოფს მიმწოდებელი.

11.9 მიმწოდებელი ვალდებულია, გადასცეს შემსყიდველს უფლებრივად და ნივთობრივად უნაკლო (ხელშეკრულებით გათვალისწინებული ხარისხის) საქონელი.

12. ხელშეკრულების შესრულების უზრუნველყოფის გარანტია

12.1. ხელშეკრულების გაფორმებამდე, პრეტენდენტმა უნდა წარმოადგინოს ხელშეკრულების შესრულების უზრუნველყოფის საბანკო გარანტია, ხელშეკრულების ჯამური ღირებულების 2% ოდენობით, რომლის მოქმედების ვადა, სულ მცირე, 30 კალენდარული დღით უნდა აღმატებოდეს ხელშეკრულების მოქმედების ვადას.

13. უფლებების გადაცემა

13.1. დაუშვებელია მიმწოდებლის მიერ ხელშეკრულებით გათვალისწინებული უფლება-მოვალეობების მთლიანად ან ნაწილობრივ სხვა პირისთვის გადაცემა შემსყიდველის წინასწარი წერილობითი თანხმობის გარეშე.

14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომლის გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

14.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

15. ხელშეკრულებაში ცვლილებების შეტანა

15.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

15.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

15.3. ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდველისათვის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

15.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

15.5. ხელშეკრულების პირობების ნებისმიერი ცვლილება უნდა გაფორმდეს ორმხრივად ხელმოწერილი წერილობითი დოკუმენტის შედეგით, რაც წარმოადგენს ხელშეკრულების განუყოფელ ნაწილს.

15.6. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

16. ხელშეკრულების პირობების შეუსრულებლობა

16.1. მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის შემდეგი ოდენობის პირგასამტეხლოს

გადახდა:

16.1.1 საქონლის მიუწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე) მიუწოდებელი შესყიდვის ობიექტის ღირებულების

0,02% ყოველ ვადაგადაცილებულ დღეზე.

16.2. თუ მიმწოდებელს შემსყიდველისაგან მიღებული აქვს ავანსი და ამ ხელშეკრულებას ამოეწურა ვადა, მათ

შორის შეწყდა ვადადღე, მაშინ მიმწოდებელი ვალდებულია ხელშეკრულების შეწყვეტიდან 10 დღის ვადაში დაუბრუნოს შემსყიდველს ავანსი (მიღება-ჩაბარების აქტით გაფორმებული და შესრულებული ნაწილის გამოკლებით);

16.3. თუ მიმწოდებელი 16.2. პუნქტის შესაბამისად არ დაუბრუნებს შემსყიდველს ავანსს, შემსყიდველი უფლებამოსილია განახორციელოს თავისი, როგორც საბანკო გარანტიის ბენეფიციარის უფლებები, კანონმდებლობით გათვალისწინებული წესით.

16.4. პირგასამტეხლოს დარიცხვის მიუხედავად, შემსყიდველი უფლებამოსილია:

16.4.1. ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;

16.4.2. მიღება-ჩაბარების აქტი გააფორმოს საქონლის მხოლოდ იმ ნაწილზე, რომელიც შეესაბამება ამ ხელშეკრულებით განსაზღვრულ მოთხოვნებს, ხოლო საქონლის იმ ნაწილზე, რომელიც არ შეესაბამება ამ ხელშეკრულებით განსაზღვრულ მოთხოვნებს დაარიცხოს პირგასამტეხლო ამ მუხლის შესაბამისად;

16.5. შემსყიდველის მიერ შესყიდვის ობიექტის ღირებულების ხელშეკრულებით განსაზღვრულ ვადაში დაპირობებით მიმწოდებლისათვის გადაუხდელობის შემთხვევაში, მიმწოდებელს უფლება აქვს დააკისროს შემსყიდველს პირგასამტეხლოს გადახდა, გადაუხდელი თანხის 0,02 %-ის ოდენობით ყოველ ვადაგადაცილებულ სამუშაო დღეზე.

16.6. დღეების მიხედვით დარიცხვადი პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

16.7. დღეების მიხედვით დარიცხვადი პირგასამტეხლოს დარიცხვა წყდება მხარის მიერ ვალდებულების შესრულების შემდეგ ან ხელშეკრულების მოქმედების ვადის გასვლის შემდეგ ან ხელშეკრულების შეწყვეტის

შემდეგ, იმის მიხედვით თუ ამ გარემოებებიდან რომელი უფრო ადრე დადგება.

16.8. ხელშეკრულების შეწყვეტის ან მოქმედების ვადის გასვლის შემთხვევაში, მიმწოდებლის მიერ ხელშეკრულების პირობების ნაწილობრივ (არაჯეროვნად) შესრულებისათვის, მიმწოდებელს დაეკისრება პირგასამტეხლო მიუწოდებელი შესყიდვის ობიექტის ღირებულების 10%-ის ოდენობით, ხოლო ხელშეკრულების პირობების შეუსრულებლობისათვის, მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

17. ხელშეკრულების შეწყვეტა

17.1. ეს ხელშეკრულება შეიძლება ვადადღე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა არანაკლებ --- დღის ოდენობით. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

17.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

ა) იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

ბ) ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

17.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

18. ფორს-მაჟორი

18.1. მხარეები თავისუფლდებიან პასუხისმგებლობისგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია.

18.2. 'ფორს-მაჟორის' ქვეშ იგულისხმება გარემოება, რომლიც არ არსებობდა ამ ხელშეკრულების დადებისას და რომლის თავიდან აცილება, ან გადალახვა მხარეს არ შეეძლო, კერძოდ: საომარი მდგომარეობა/საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, საბიუჯეტო ასიგნების მკვეთრი შემცირება და სხვა მსგავსი გარემოებანი.

18.3. მხარე, რომლისთვისაც ფორს-მაჟორის გამო შეუძლებელი შეიქმნა ვალდებულებების შესრულება, ვალდებულია დაუყოვნებლივ (ფორს-მაჟორის დადგომიდან არა უგვიანეს 2 სამუშაო დღისა) აცნობოს მეორე მხარეს ნაკისრი ვალდებულების შეუსრულებადობის შესახებ. შეუტყობინებლობის ან დაგვიანებით შეტყობინების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისგან განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.

18.4. ფორს-მაჟორის მიუხედავად მხარე, რომლისთვისაც ნაკისრი ვალდებულების შესრულება შეუძლებელი

ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

18.5. თუ ფორს-მაჟორული მდგომარეობა 30 დღეზე მეტ ხანს გრძელდება, მაშინ მხარეებს უფლება აქვთ

ცალმხრივად შეწყვიტონ ხელშეკრულება.

19. სადაო საკითხების გადაწყვეტა

19.1. მხარეები თანხმდებიან, რომ მათ შორის ამ ხელშეკრულებასა ან მის განხორციელებასთან დაკავშირებული ნებისმიერი სადაო საკითხი მოლაპარაკების მეშვეობით მოაგვარონ.

19.2. თუ სადავო საკითხი მოლაპარაკებით ვერ მოგვარდა, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს საქართველოში.

20. გადასახადები და დაბეგვრა

20.1. მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელის გადახდაზე.

21. შეტყობინება

21.1. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

21.2. შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

22. სხვა პირობები

22.1. ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 201--- წლის ----- ჩათვლით.

22.2. ხელშეკრულების დანართ(ებ)ი წარმოადგენს წინამდებარე ხელშეკრულების განუყოფელ ნაწილს.

22.3. ყველა სხვა საკითხი რაც არ რეგულირდება ამ ხელშეკრულებით რეგულირდება საქართველოს კანონმდებლობით.

22.4. ხელშეკრულება შედგენილია ქართულ ენაზე, თანაბარი იურიდიული ძალის მქონე _____ ეგზემპლარად.

შემსყიდველის მხრიდან:

მიმწოდებლის მხრიდან: